

LARRAULGO UDALA

(GIPUZKOA)

2020ko URTARRILAREN 9an, LARRAULGO UDAL PLENO ARETOAN EGINDAKO OHIKO UDALBATZAREN AKTA

2020ko urtarrilaren 9an, Larraulgo Udaletxeko Pleno Aretoan, arratsaldeko 16.30 orduetan, Maite Arana Perez Alkate andrearen Lehendakartzapean, behean aipatzen diren zinegotziak biltzen dira.

ZINEGOTZIAK: Aitor Beistegui Fiallegas
Vicente Garcia Momblona
Jesus Maria Tejada Cantero
Mireia Ruiz Delgado
Jose Antonio Rodriguez Rodriguez


BERE EZIN ETORRIA AZALTZEN DUTE: Maialen Alonso Labandibar

Bertan dago, egintzaz fede emateko Ane Gomez Urteaga Idazkari-kontuhartzailea.

...//...

Alkate-lehendakari andreak bilerari hasiera ematen dio, ondorengo gaiak tratatzen direlarik:

- 1. Ondoren adierazten diren Udalbatzarretako aktak onestu, hala badagokio/ Aprobación, si procede de las siguientes actas Plenarias:**
 - **2019ko azaroaren 28an egindako ohiko bilkura/ Sesión de fecha 28 de diciembre de 2019.**
 - **2019ko abenduaren 27an egindako ez ohiko bilkura/ Sesión extraordinaria de fecha 27 de diciembre de 2019.**
- 2. Alkatetza ebazpenen berri ematea/ Dación de cuenta de los decretos de Alcaldía.**
- 3. Tokiko Gobernu batzordeak hartutako erabakien berri ematea, hala bada/ Dación de cuenta de los acuerdos adoptados en la Junta de Gobierno Local.**
- 4. 2020 Ekitaldirako Udal aurrekontu orokorraren espedienteari hasierako onespina ematea, hala bada./ Aprobación inicial del expediente del presupuesto general del Ayuntamiento para el ejercicio 2020.**
- 5. Larraulgo Udaleko 2020-2022 diru-laguntzen plan estrategikoa arautzen duen ordenantzaren hasierako onspina, hala bada./Ordenanza reguladora del plan**



LARRAULGO UDALA

(GIPUZKOA)

estratégico de subvenciones 2020-2022 del Ayuntamiento de Larraul.

6. Fakturak eta ordainketak/ Pagos y facturas.

7. Beste batzuk/Otros.

8. Erregu, galderak eta mozioak/Mociones, ruegos y preguntas.

..//...

LEHENENGO PUNTUA

ONDOREN ADIERAZTEN DIREN UDALBATZARRETAKO AKTAK ONESTU, HALA BADAGOKIO

- ▣ 2019 urteko azaroaren 28ko Udalbatzaren ohiko bilkurako akta. Irakurri ondoren bertaratuek aho batez onesten dute.
- ▣ 2019 urteko abenduaren 27ko Udalbatzaren ez-ohiko bilkurako akta. Irakurri ondoren bertaratuek aho batez onesten dute.

BIGARRENGO PUNTUA

ALKATETZA EBAZPENEN BERRI EMATEA

Ondoren, Udaleko Idazkari-Kontuhartzaileak adierazten du 113/2019 tik 142/2019ra Lehendakari Ebazpenak eman direla. Bertaratuak jakinaren gainean geratu direlarik.

HIRUGARREN PUNTUA

TOKIKO GOBERNU BATZORDEAK HARTUTAKO ERABAKIEN BERRI EMATEA


Ondoren, Alkate-Lehendakari andreak batzarkideei Tokiko Gobernu Batzordeak hartutako erabakien berri ematen die, ondorengoak izanik:

-Renting bidez “multifuncional color HP E77825DN” aparatua erosteko esleipena egitea.

LAUGARREN PUNTUA

2020 EKITALDIRAKO UDAL AURREKONTU OROKORRAREN ESPEDIENTEARI HASIERAKO ONESPENA EMATEA, HALA BADA

Ikusirik Udaleko behin behineko Idazkari-kontuhartzaileak prestatu duen 2020 ekitaldirako udal aurrekontuaren aurreproiektuaren



LARRAULGO UDALA

(GIPUZKOA)

espedientea, Gipuzkoako Lurralde Historikoko Toki Erakundeen aurrekontuei buruzko abenduaren 19ko 21/2003 Foru Arauak xedatutako moduan eta aurreikusitako eranskinekin. Ondorengo dokumentuekin osaturikoa:

- Larraulgo Udaleko aurrekontua.
- Plantila organikoa eta Lanpostu zerrenda.
- Aurrekontu orokorra betearazteko oinarriak.
- Memoria.
- Txostenak.
- Eranskinak.


Ikusirik Udaleko behin behineko Idazkari-Kontuhartzaileak 2019ko abenduaren 16an egindako txostenean dioena.

Gaia azterturik, Udalbatza honek, aho batez, ondorengoa

ERABAKITZEN DU:

LEHENA.- Larraulgo Udaleko 2020 urteko aurrekontu espedientea (Aurrekontua, Plantila Organikoa, Lanpostu zerrenda, Aurrekontu orokorra betearazteko oinarriak, memoria, txostenak eta eranskinak) behin-behingo onartzea **359.241,82** eurotako kantitatean. Horren desglosea kapituluetan honako hau izanik:

SARRERAK	359.241,82€
A) ERAGIKETA ARRUNTAK	
1. Kap. Zuzeneko Zergak	48.110,00
2. Kap. Zeharkako Zergak	2.000,00
3. Kap. Tasak eta bestelako zergak	41.650,00
4. Kap. Transferentzi arruntak	255.933,00
5. Kap. Ondare Sarrerak	3.000,00
B) KAPITAL-ERAGIKETAK	
6. Kap. Inbertsio errealak besterengan.	0,00
7. Kap. Kapital Transferentziak	8.548,82
8. Kap. Finantza aktiboak	0,00
9. Kap. Finantza Pasiboak	0,00



LARRAULGO UDALA

(GIPUZKOA)

GASTUAK	359.241,82 €
A) ERAGIKETA ARRUNTAK	
1. Kap. Pertsonal gastuak	108.021,00
2. Kap. Gastuak ondas.arrunt.eta zerbitz.	146.905,00
3. Kap. Finantza gastuak	00,00
4. Kap. Transferentzi arruntak	60.981,51
B) KAPITAL-ERAGIKETAK	
6. Kap. Inbertsio errealak	31.104,31
7. Kap. Kapital Transferentziak	8.200,00
8. Kap. Finantza aktikoak	0,00
9. Kap. Finantza pasiboak	4.030,00


BIGARRENA.- 2020ko aurrekontu espedientea bideratzeko izapidetzek aurrera eramatea.

HIRUGARRENA.- Udal Aurrekontu Orokorraren espedientea (Aurrekontua, Plantila Organikoa, Lanpostu zerrenda, Aurrekontu orokorra betearazteko oinarriak, memoria, txostenak eta eranskinak) 15 laneguneko epean jendaurrean jarriko da, interesatuek bidezko iritzitako errekurtsio eta alegazioak tarteratzeko, horretarako Gipuzkoako Aldizkari Ofizialean argitaratuko da. Inongo erreklamaziorik gabe igarotzen bada epea, behin-betiko onartutzat joko da aipatutako dokumentua, beste akordiorik hartu gabe.

BOSTGARREN PUNTUA

LARRAULGO UDALEKO 2020-2022 DIRU-LAGUNTZEN PLAN ESTRATEGIKOA ARAUTZEN DUEN ORDENANTZAREN HASIERAKO ONESPENA, HALA BADA

Ikusirik Larraulgo Udalak beharrezkoa ikusten duela 2020-2022 diru-laguntzen plan estrategikoa arautzen dituen ordenantza bat onestea.



LARRAULGO UDALA

(GIPUZKOA)

Ikusirik Larraulgo Udalak prestatu duela goian aipaturiko ordenantza, batzarkideek honen berri dutelarik.

Gaia aztertutik, Udalbatza honek, aho batez, ondorengoa

ERABAKITZEN DU:

LEHENA: 2020-2022 epealdirako Diru-laguntzen Plan Estrategikoa arautzen duen udal-ordenantzaren hasierako onespena ematea, ondorengo testuaren arabera:

« LARRAULGO UDALA

*Larraulgo udaleko 2020-2022 dirulaguntzen plan
estrategikoa arautzen duen ordenantza.*

ATARIKOA


Oinarrizko izaera duen Diru-laguntzei buruzko azaroaren 17ko 38/2003 Lege Orokorreko 8.1 artikulua honako hau dio:

«administrazioko organoek edo diru-laguntzak ezartzea proposatzen duten beste guztiek, aldez aurretik, Diru-laguntzen Plan Estrategiko batean zehaztu beharko dituzte horien aplikazioarekin lortu nahi dituzten helburuak eta eraginak, horiek guztiak lortzeko behar den epea, ustez egongo diren kostuak eta finantzazio iturriak. Plana burutzeko ezinbestekoa izango da beti aurrekontuen egonkortasunerako helburuak betetzea».

38/2003 Legeko 13. Xedapen Gehigarriak ezartzen du legezko arau edo erregelamenduetan aurreikusitako politika publikoei buruzko plan edo programak Diru-laguntzen Plan Estrategikotzat joko direla edo 38/2003 Legeko 8.1 artikuluan aurreikusitako edukia jasoko dutela.

Diru-laguntzen Lege Orokorra beste urrats bat da sistema ekonomikoa hobetzeko eta arrazionalizatzeko prozesuan. Legea zuzentzen duen printzipiotako bat gardentasuna da, eta horrek modu zuzenean du eragina diru-laguntzetarako gastu publikoaren kudeaketaren eraginkortasun eta efizientzia mailaren igoeran.

Zentzu horretan, diru-laguntzei buruzko informazio gehiago izateak merkatuan eragina izan ditzaketen distortsio eta interferentziak kentzea



LARRAULGO UDALA

(GIPUZKOA)

ahalbideratuko du, eta administrazio publikoen jardunen osagarritasuna eta koherentzia erraztuko du, edozein motako gainjartzea ekidinez.

Eraginkortasuna hobetzeko Diru-laguntzei buruzko Plan Estrategikoa egitea aurreikusten du araudiak. Plan hori diru-laguntzak sortu aurretik egin beharko da.

Plan hau hainbat urtetarako izateko bokazioz egin da, beti ere urtero beharrezko izan daitezkeen aldaketak egin beharko bazaizkio ere. Horregatik, Larraulgo Udalak Diru-laguntzen Plan Estrategikoa arautzen duen ordenantza onartu du.

I. KAPITULUA

XEDAPEN OROKORRAK

1. artikulua.

Larraulgo Udalak emango dituen diru-laguntzak, Larraulgo Udalean indarrean dagoen diru-laguntzak emateko Araudiaren, Diru-laguntzen Lege Orokorraren, Plan honen, dagozkion hitzarmenen eta, hala badagokio, diru-laguntzak emateko urtero egingo diren deialdien oinarrien arabera emango ditu.

2. artikulua.

Plan honetan aurreikusitako diru-laguntzak eraginkorrak izateko, dagozkion kontsigna-zioak sartu beharko dira urte bakoitzeko udal aurrekontuetan eta diru-laguntzak arautzeko oinarriak onartu, hala badagokio.


Diru-laguntzak aurrekontuetan jaso eta emateko baldintza izango da aurrekontu egonkortasun helburuak betetzea, eta beraz, onartuko diren aurrekontu kontsigna-zioak eta diru-laguntzak arautzen dituzten oinarriak uneoro helburu horietara egokitu beharko dira.

3. artikulua.

Diru-laguntzen Plan Estrategiko hau onartzeak ez du inolako eskubiderik sortzen onuradun izan daitezkeenentzako, eta ezingo dute inolako kalte-ordainik edo konpentsa ziorik eskatu Plana ez bada bere horretan betetzen.

4. artikulua.

Udalak, deialdi publiko bidez edo lankidetzaz hitzarmenak eginaz, diru-laguntzak emango dizkie pertsoneri, elkarteei edo erakunde pribatuei,



LARRAULGO UDALA

(GIPUZKOA)

herri onurako edo gizartearen intereseko jarduerak egiteko edo udal eskumeneko helburu publikoak lortzeko.

5. artikulua.

Plan honen printzipio orokorrak honako hauek dira:

— Publizitatea eta lehiakortasun askea aurrez egindako deialdi bidez. Bertan, objektibitatea, gardentasuna, publizitatea, lehiakortasuna eta fondo publikoen banaketan berdintasuna bermatu beharko dira, hori guztiori, emakida zuzenaren kaltetan gabe. Emakida zuzenak, aplikatu dakioken arauan ezarritakoaren arabera, aurrez dagokion aurrekontu kontsigna-zioa izan beharko du.

— Aurrez deialdian ezarritako irizpide objektiboen arabera egingo da emakida, onuradun izan daitezkeenak irizpide horiek aurrez ezagutzen dituztela bermatzeko.

— Eraginkortasuna, jarritako helburuak betetzerakoan eta efizientzia baliabide publikoak esleitzerakoan, kantitate eta kalitate aldetik justifikatu beharra.

— Diru-laguntza eskatzen duten erakundeen helburuak diruz lagundutako jardueretan berdintasunaren eta diskriminaziorik ezaren printzipioetara egokitzen direla kontrolatzea eta aztertzea.

— Plan Estrategikoaren egokitasuna uneoro egiaztatzea, hau da, Plana termino sozialetan justifikatzea. Planak kontuan hartzea herritarren beharrak eta finantza gaitasuna.

6. artikulua.

Alkateak, diru-laguntzak emateko organo eskudunak, kudeaketa ekonomikoa egiteko funtzioa du, eta beraz, Diru-laguntzen Plan Estrategikoa exekutatzekoa. Beraz:

— Diru-laguntza programak aurrekontu zuzkidura egokia eta behar bestekoa egotearen menpe daude.


— Diru-laguntzak edo emakida zuzenak (hitzarmenak) eman aurretik gastua onartu beharko da Larraulgo Udaleko aurrekontu arauetan aurreikusitako moduan.

— Eta azkenik, diru-laguntzak eman aurretik, emakida arautzen dituzten arauak edo oinarriak onartu beharko dira.

II. KAPITULUA

PLANAREN EDUKIA

7. artikulua.



LARRAULGO UDALA

(GIPUZKOA)

Larraulgo Diru-laguntzen Plan Estrategiko honetan 2020-2022 urteetarako aurreikusitako diru-laguntzak jasotzen dira.

Larraulgo Udalak diru-laguntzak emango ditu urtero, ondorengo lerro estrategikoetan: gizarte gaiak, euskararen sustapena, hezkuntzaren sustapena eta kirolaren sustapena. Plan Estrategiko honen I. eranskinean lerro estrategiko bakoitzaren ondorengo puntuak jasoko dira:

- Helburu estrategikoa.
- Helburu zehatzak.
- Exekuzio epea.
- Finantziazio iturriak.

8. artikulua.

Plan Estrategiko honen II. eranskinean, baita ere, diru-laguntza bakoitzaren ondorengo puntuak jasoko dira:

- Aurrekontu partida.
- Azalpena: diru-laguntza zein helburutarako erabiliko den zehazten da, gero helburu hori ebaluatu ahal izateko.
- Zenbatekoa, urteroko kontsigna-zioa.
- Kudeaketa mota: diru-laguntza emateko aplikatu beharreko prozedura aurreikusten da (lehiakortasun askea, lankidetzaz hitzarmena, programa).
- Lerroa: Diru-laguntza atxikitzen den lerro estrategikoa.

III. KAPITULUA

DIRUZ LAGUNDUTAKO PROGRAMEN GARAPENAREN FINANTZA ETA LEGEZKOTASUN KONTROLA

9. artikulua.

Diruz lagundutako programen finantza kontrola eta legezkontasun kontrola, haien garapen maila desberdinetan, Udaleko kontu-hartzailearen egitekoa da, eta hark horri buruz beharrezko irizten dituen egiaztatze lanak egingo ditu, diru-laguntzei buruz indarrean dagoen legeria egoki betetzen dela bermatzeko.

10. artikulua.

Aurrekoaren kalterik gabe, diru-laguntzak izapidetzeaz arduratu duten udal zerbitzu desberdinetako arduradunek jasota utziko dute espedientean beharrezkoak diren udal ebazpenak, eta hartzeko legez eskatu daitezkeen betebeharrak bete dituztela ziurtatzen duten idatziak



LARRAULGO UDALA

(GIPUZKOA)

garapen edo izapide faseetan (eskabideak onartzea, horiek baloratzea, emateko proposamena egitea eta laguntzen bukaerako justifikazioa eta kitapena).

IV.KAPITULUA

DIRUZ LAGUNDUTAKO PROGRAMEN ERAGINKORTASUN ETA EMAITZEN AZTERKETA ETA KONTROLA

11. artikulua.

Diru-laguntza bakoitzaren eraginkortasuna hobeto aztertzeko, Larraulgo Udalak txosten arrazoitua eskatuko diete diru-laguntzak jasotzen dituztenei. Txostenean, besteak beste, garatutako ekintzen azalpena eta lortutako helburuak justifikatu beharko dira. Zehazki, ondorengo alderdiak jasoko dira:

- Helburua.
- Diru-laguntza jasotzen duen erakundea, eta hala bada, laguntzailea.
- Diru-laguntzaren zenbatekoa.
- Diru-laguntzarekin egindako ekintza zehatzak.
- Diruz lagundutako ekintzak zenbat herritarrengan izan duen eragina. Udalak balorazioa egingo du laguntza eman zenean lortu nahi ziren helburuekiko egokitasunari buruz eta dagokion programarekin jarraitzearen edo kentzearen bidez kotitasunari buruz.

12. artikulua.


Gardentasunekin betetzeko, lerro estrategiko bakoitzean emandako diru-laguntza guztiak urtero argitaratuko dira udal webgunean, bertan adieraziz laguntzak nork jaso dituen, zenbatekoa, eta diruz lagundutako ekintza.

13. artikulua.

Planaren indarraldia amaituta, eta berria egin aurretik, Alkateak ebaluazio txostena aurkeztuko du Informazio Batzorde Orokorrean. Bertan, gutxienez, honakoak jaso beharko dira: Planaren betetze maila, lortu nahi ziren helburu eta eraginetan diru laguntzek izan duten eraginkortasuna eta efizientzia eta ondorioak; eta horrekin batera, hurrengo Diru-laguntzen Plan Estrategikoa egiteko iradokizunak.

AZKEN XEDAPENA

Plan hau Gipuzkoako ALDIZKARI OFIZIALEAN argitaratu ondoko egunean sartuko da indarrean.



LARRAULGO UDALA

(GIPUZKOA)

I. ERANSKINA

LERRO ESTRATEGIKOA

1. Lerro estrategikoa: gizarte gaiak.

— Helburu estrategikoa:

*Herri txiroenen garapenean laguntzea herritarren sentiberatasuna handitzeko ekimenak sustatuz eta bizi baldintzak hobetzen laguntzea elkartasunerako eta toki garapenerako proiektuetarako diru laguntzak emanez.

— Helburu zehatzak:

* GKEei laguntzea beraien ekimen eta lankidetzan proiektuetan herri pobreentzako eta garapen bidean daudentzako ekarpen gisa.

— Exekuzio epea: Urterokoa.

— Finantziazio iturriak: Udalaren funts propioak, urteroko aurrekontuaren kontura.

2. Lerro estrategikoa : Hezkuntza sustatzea.

— Helburu estrategikoa:

*Bertsolaritza sustatzea.

— Helburu zehatzak:

*Diru- laguntzak ematea bertsolaritzako irakasleei ordaintzen laguntzeko.

— Exekuzio epea: Urterokoa.

— Finantziazio iturriak: Udalaren funts propioak, urteroko aurrekontuaren kontura.

3.Lerro estrategikoa: euskararen sustapena.

— Helburu estrategikoa: Euskararen ezagutza eta erabilera sustatzea eta normalizatzea.

— Helburu zehatzak:

* Adin nagusikoei euskara ikasteko erraztasunak eskaintzea.


* Tokiko euskarazko komunikabideen bideragarritasuna bermatzea.

* Euskararen erabilera sustatu eta normalizatzeko Euskal Herri mailako jarduera zehatzetan laguntzea.

— Exekuzio epea: Urterokoa.

— Finantziazio iturriak: Udalaren funts propioak, urteroko aurrekontuaren kontura.

4. Lerro estrategikoa: kirolaren sustapena.



LARRAULGO UDALA

(GIPUZKOA)

— Helburu estrategikoa: Herritar guztiei beraien kirol jarduera eskaera asetzeko aukera ematea eta bizi kalitatea hobetzeko jarduera osasungarriak sustatzea kirol erakunde, elkarte eta federazioekin elkarlanean arituz.

— Helburu zehatzak:

* Ahalik eta jende gehienak kirola egitea sustatzea ohitura osasungarri eta gomendagarri bezala.


* Kirol jarduerak egiteko zein kirol instalazio sarea hobetzeko laguntza ematea.

* Eskola-kirola jarduera sustatzea.

— Exekuzio epea: Urterokoa.

— Finantziazio iturriak: Udalaren funts propioak, urteroko aurrekontuaren kontura.

<i>Partida</i>	<i>Azalpena</i>	<i>Kopurua</i>	<i>Kudeaketa</i>	<i>Lerroa</i>
1.0000.417.231.0 0.01	Oporrak bakean	125	Zuzena-izenduna	1
1 0000.422.334.00. 01	Aiurri	750	Zuzena-izenduna	3
1 0000.422.334.00. 02	Ataria	750	Zuzena-izenduna	3
1 0000.422.334.00. 03	Harituz: Tolosaldeko bertsozale Elkartea	660	Zuzena-izenduna	2
1 0000.480.335.00. 01	Euskara ikasteko diru-laguntzak	2.000	Deialdia. Norgehiagoka	3
1 0000.422.340.00. 01	C.D. Utseta: Larraul-Ernio- Larraul mendi lasterketa	600	Zuzena-izenduna	4
1 0000.422.340.00. 02	Aiztondo Klasikoa batzordea	1.000	Zuzena-izenduna	4
1 0000.422.340.00. 03	Erniozaleak kultur Elkartea	300	Zuzena-izenduna	4
1 0000.422.341.00. 02	Danena txirrindulari elkartea: Emakumeen bira	1.000	Zuzena-izenduna	4



LARRAULGO UDALA

(GIPUZKOA)

1 0000.422.341.00. 03	Tolosaldeko arraun kluba	125	Zuzena- izenduna	4
-----------------------------	-----------------------------	-----	---------------------	---

BIGARRENA: Toki Araubidearen Oinarriak arautzen dituen apirilaren 2ko 7/1985 Legearen 49. eta 70.2 artikuluek eta apirilaren 18ko 781/1986 Errege Dekretu Legegilearen (Toki Araubideari dagokionez indarrean dauden lege-xedapenen Testu Bategina onartzen duena) 56. artikulua agintzen dutenari jarraiki, espedientea jendaurrean jarriko da hogeita hamar egunez, iragarkia Gipuzkoako ALDIZKARI OFIZIALEAN argitaratu eta hurrengo egunean zenbatzen hasita, aipatu espedientea aztertu eta nahi duenak egoki iritzitako erreklamazioak aurkez ditzan.

Epe hori igarota erreklamaziorik aurkeztuko ez balitz, onartutako Plan estrategikoa behin betiko onartutzat emango da.

SEIGARREN PUNTUA **FAKTURAK ETA ORDAINKETAK**

Ondoren Alkate andreak, batzarkideei jakinarazten die, Tokiko Gobernu Batzordeak **29.451,27** Eurotako faktura erlazioa onartu duela.

Batzarkideak jakinaren gain gelditu direlarik.

ZAZPIGARREN PUNTUA **BESTE BATZUK**

Ez dira aurkezten.

ZORTZIGARREN PUNTUA **ERREGU, GALDERAK ETA MOZIOAK**

Ez dira aurkezten.

Beste gairik ez dagoenez, arratsaldeko 16:50 orduak direnean Alkate jaunak bilera amaitutzat ematen du, nik, behin-behineko Idazkaria naizen honek akta honetan jasotakoa ziurtatzen dudalarik.